

醫學從眾錄卷五

閩吳航陳念祖修園甫著

男元犀靈石參訂

心典徽菴

孫

心蘭芝亭

全校字

隔症反胃

隔者阻隔不通不能納穀之謂也又謂之隔食病在胸膈之間也上焦出胃上口主納中焦並胃中主腐化下焦別迴腸主濟泌此症三焦失職百無一生丹溪指爲胃脘乾枯以四物湯入牛羊乳竹瀝韭汁之類主之薛氏指爲怫鬱傷肝肝木尅土以左金丸逍遙散六君子湯歸脾湯六味丸八味丸之類隨症開

服易思蘭本此法以治氣隔晨吞八味丸百粒暮服暢衛湯開導其上滋補其下多效趙氏以此病多得之五旬以上腎水既乾陽火偏盛煎熬津液三陽熱結則前後閉澹下既不通必反於上直犯清道上冲吸門須以六味丸料大劑煎飲久服可挽十中之一二然以余觀之隔症既成終無治法問曰既無治法豈真坐視其亾耶

修園曰卽欲服藥亦不過盡人事而已吾鄉老醫某只守程氏啟膈飲一湯始服頗效久亦增病然而痰火鬱氣阻逆於上者亦藉爲引導也已任篇專取陽明以左歸飲加生地當歸亦所以開竅門此門開則能納食幽門此門開則小便利闌門此門開則大便潤之法也此

數方之意皆仿於仲景大半夏湯用甘瀾蜜水之法而不知仲

景取半夏以升降陰陽藉人參以重生津液復得蜜之滋潤灌
漑流通而阻隔之患乃免程氏以半夏耗液爲禁豈知仲景麥
門冬湯及此方之微旨哉

張石頑云古人指噎膈爲津液乾枯故水液可行乾物梗塞爲
枯在上焦余竊疑之若果津液枯槁何以食纔下咽涎隨上湧
乎故知膈咽之間交通之氣不得降者皆衝脈上行逆氣所作
也惟氣逆故水液不得居潤下之常隨氣逆湧耳若以津枯而
用潤下之劑豈不反益其邪乎宜六君子湯加減挾寒脈遲細
者加肉桂附子挾熱脈數滑者加枳實黃連若噎而聲不出者
加五味子竹茹喉中有一塊食物不下者痰氣也加海石訶子
膈間作痛多是瘀血加歸尾桃仁韭汁童便甚者加大黃微利

之千金五噎丸五膈丸亦可擇用 按張石頑主於衝脈上逆
誠千古灼見亦從仲景大半夏湯悟出然必謂潤下之劑反益
其邪是因其涎沫之多而狃於見症之陋習也衝脈不治取之
陽明故仲景以半夏降衝脈之逆卽以白蜜潤陽明之燥加人
參以生旣亡之津液石頑此論得其半而遺其半也蓋人之胃
中疊積如膏脂者謂之胃陰今因衝氣上逆日嘔出粘涎卽日
亡其胃陰尙得謂滋潤之劑宜屏絕乎余所以不敢阿好也
人鏡經曰內經云三陽結謂之隔蓋足太陽膀胱經水道不行
手太陽小腸經津液枯涸足陽明胃經燥糞結聚所以飲食拒
而不入縱入太倉還出喉嚨人之腸胃一日一便乃常度也今
隔食之人五七日不便陳物不去新物不納俗醫強分爲五隔

十噎支派既多併喪其實標本不明是以火裏煨薑湯中煮桂胡椒未已萆撥繼之丁香未已豆蔻繼之雖曰和胃胃本不虛雖曰溫脾脾本不寒此病之所以日甚也法當用三一承氣湯節次微下之後用芝麻飲啜之陳腐去而腸胃潔癥瘕盡而榮衛昌飲食自進矣

按此法雖偏而百無一生之症急用之尙有餘望否則逡巡觀望何濟於事反胃症朝食暮吐暮食朝吐初患者尙可治王太僕云食不得入是有火也食入卽出是無火也遵趙氏法以六味丸治隔症是壯水之主以制陽光以八味丸治反胃是益火之原以消陰翳而自愚論之食入反出脾失其消穀之能胃失其容受之能宜理中湯溫脾加麥芽以暢達

一陽之氣與參朮消補同行土木不害而脾得盡其所能或
吳茱萸湯溫胃藉吳萸以鎮納厥陰之逆氣合參棗甘溫相
濟震坤合德而胃得盡其所能而猶恐中土大寒溫補太緩
以乾薑吳萸附子萆撥蜜丸俾火化之速復恐燥熱上僭傷
上焦細細之氣以沙參白朮茯苓麥身五穀蟲甘草白蘧仁
爲末厚裹於外又以硃砂六一散爲衣使溫和之藥在外先
行於上而辛熱之藥由中焦以直達命門熟腐水穀續以八
味丸收其全功若病勢之甚第以八味丸緩服未免迂闊矣
張石頑云有陽虛不能統運嘔逆便秘用人參大黃附子攻
之卽通瘀血在隔阻滯氣道而成者用抵當丸作芥子大
吞二錢但飲熱湯及食
椒薑輒呃者有瘀血也

診脈

浮緩而滑

沉緩而長

弦濇短少

為難治

大半夏湯

方見金匱

啟膈飲

方見實易

三一承氣湯

方見時方

按久

病與羸敗之人前方未免太峻余用麻仁丸及高鼓峯新方代之高鼓峯悟王損菴治膈用大黃之妙融會一方頗為穩當方用熟地五錢當歸白芍桃仁麻仁各三錢微微潤之其形體如常即以前方內加大黃一二錢以助血藥

加減左歸飲

經云腎乃胃之關關門不利升降息矣關門即氣交之中天之樞也故腎旺則胃陰充胃陰充則能

食

已任篇曰膈症一陽明盡之子治荆溪潘爾修之隔用

左歸飲去茯苓加生地當歸兩大劑而便潤食進又十劑而兩便如常飲食復舊蓋以左歸飲中有甘草則直走陽明以和其中且當歸生地合用則能清胃火以生其陰胃陰上濟

則賁門寬展故飲食能進胃陰下達則幽門闌門皆滋潤故二便如常去茯苓者恐其分流入坎不若專顧陽明之效速也

和中暢衛湯

紫蘇梗

五分

香附

醋炒

神麴

炒

沙參

各一錢

桔梗

連翹

去子尖各六分

木香

四分

蒼朮

撫芎

貝母

各八分

砂

仁

三分

生薑

三片

水煎服

易思蘭

自註云香附蘇梗開竅

行氣蒼朮健中貝母開鬱痰連翹散六經之火撫芎發肝木之困神麴行脾之鬱木香逐氣流行桔梗升提肺氣沙參助正氣而不助火此方提上焦之火邪乃火鬱發之之義也然徒用此方而不兼補下之藥雖能解散於一時其火無水制

必然復生而痞滿噎隔之疾恐尤甚於前也 愚按內經云
隔塞閉絕上下不通則暴憂之病也可見此病多起於鬱結
不舒胃氣不能敷布所致張雞峯所謂神思閒病是也方中
雖是解鬱套藥而分兩多寡氣味配合似有獨得之妙又與
八味丸間服所以多效喻嘉言資液救焚湯與八味丸間服
亦是此意但救焚湯大涼大降流於奇險不如此湯之平易
近人也

五噎丸

千金

治胸中久寒嘔逆妨食結氣不消

乾薑

蜀椒

吳茱萸

桂心

北細辛

各一兩

人參

白朮

各二兩

橘皮

茯苓

各一兩五錢

附子

一枚

石爲細

末煉蜜丸桐子大酒服十五丸日三服漸加至三十丸

五膈丸

千金

治飲食不得下手足冷上氣喘息

麥門冬

三兩

甘草

二兩

蜀椒

炒去汗

遠志肉

桂心

細辛

乾薑

炮各一兩

附子

一枚

人參

二兩

右爲細末煉

白蜜丸彈子大先食噉一丸細嚥之喉中胸尚熱藥丸稍盡

再噉一丸日三夜二服七日愈 張石頑曰二丸同用參附

椒辛薑桂之類一以肝氣上逆胃氣不下而嘔噎用芡橘以

疎肝降逆苓朮以健脾通津一以腎氣不蒸肺胃枯槁而不

納故用冬草以滋肺和胃遠志以補火生土又嘔噎而藥食

可進者頻與小丸調之膈塞而飲食不納者時用大丸噉之

其立法之詳若此可不辨而忽諸

吳茱萸湯

方見傷寒

理中湯丸

方見傷寒

連理丸

理中丸加黃連

八味丸

方見時方

又攷隔食反胃反嘔吐粒米不入之症多係七情不

遂激動其氣氣亂載血上逆菀積于中胃氣阻隔用生鵝血

乘熱飲之取其生氣未離以血攻血直透關鑰引宿積之瘀

一涌而出而胸脇豁然此法詳於蘇東坡瑣錄前輩金匱還

公卽韓慕廬東垣俱已驗效推之生鴨血生黃牛血亦可用

西洋藥方

錦囊秘授

治神隔食翻胃一切痢疾水瀉等症立驗

紅豆蔻

去殼

肉豆蔻

麵裹煨用粗紙包壓去油

白豆蔻

去殼

高良薑

切片炒

甜肉桂

去皮

公丁香

各研淨細末戥准五分

先用上白冰

糖四兩水一飯碗入銅鍋內煎化再入雞子清二個煎十餘

沸入好燒酒一觔離火置穩便處將藥末入銅鍋內打勻以

火點著燒酒片刻隨卽蓋鍋內火滅用紗羅濾去渣入磁瓶

內用冷水去火氣隨量少飲之

繆仲淳祕傳膈噎膏

人參濃汁 人乳 牛乳 梨汁 蔗汁 蘆根汁

龍眼濃汁 右七味各等分加薑汁少許隔湯熬成膏子

下煉蜜徐徐頻服之其效如仙丹

貝母糖酒方

好陳酒

一觔

米糖

十兩

貝母

去心

砂仁

木香

陳皮

各二錢

右咀片入磁瓶內簪葉紮緊上放米一撮煮以米熟

爲度每日清晨服一大杯

糖薑餅

用糖坊內上好糖糟

一觔

生薑

四兩

先將糖糟打爛

和薑再搗做小餅晒乾於磁瓶內置灶煙櫃上每日清晨將

餅一枚泡滾水內少停飲湯

八汁湯 治噎食

生藕汁 生薑汁 雪梨汁 蘿蔔汁 甘蔗汁 白菓

汁 蜂蜜 竹瀝 石各一盞和勻飯上蒸熟任意食

牛羊人乳汁 治翻胃膈氣此證必起於腸枯血燥大便三四

日一次糞如馬栗若如羊屎者不治口常吐白沫者不治

牛乳 羊乳 人乳 不拘分兩總宜常服爲生血潤腸

之妙藥

瘧症

瘧疾不離少陽少陽爲半表半裏邪居表裏之界入與陰爭則
寒出與陽爭則熱爭則病作息則病止止後其邪仍據於少陽

之經淺則一日一作深則二日一作更深則三日一作雖有別
經總以少陽爲主故仲景以弦字該本症之脈蓋於治法只一
小柴胡湯熱多煩渴加知母花粉寒多身疼加乾薑桂枝治之
得法一二服可愈朱丹溪云無汗要有汗散邪爲主帶補正有
汗要無汗補正爲主帶散邪大抵於小柴胡湯中無汗麻黃可
加二錢卽三解湯意也有汗桂枝酒芍可各加二錢卽柴胡桂
枝湯意也如三五作不休卽於前方加常山三錢一服卽愈俗
謂常山截瘧用之太早則截住邪氣而成他病不知常山祛痰
涌吐從陰達陽之藥正所以鼓邪氣外出何截之有余每合川
山甲金銀花三味取其通達經絡又以人參當歸白朮何首烏
之類擇用一二兩爲君於瘧未出時服之多愈至於方書分定

名色多歧反惑而所應別者如單寒無熱爲牡瘧宜理中湯理陰煎加柴胡主之單熱無寒爲瘧瘧或先熱後寒爲熱瘧宜白虎湯加桂枝主之勞役飢飽過度爲勞瘧宜補中益氣湯加柴胡主之受山嵐瘴氣爲瘧瘧宜藿香正氣散平胃散加柴胡主之久瘧心腹有塊者名瘧母以鱉甲飲主之只此數症略宜分別究亦不離少陽一經也若瘧痢交作只以小柴胡湯疎少陽之氣則陷者自舉加花粉三錢滋陽明之液則滯者自通或卽以此湯送香連丸一錢五分挾虛者以補中益氣湯倍柴胡煎送香連丸二錢此蓋立齋先生之心法也

小柴胡湯

方見傷寒

男元犀按凡服治瘧藥宜瘧未至前三時服或煎兩服一服

於瘧期五鼓時服一服於瘧未至前二時服最妙 凡治瘧藥古法必露一宿以瘧爲暑邪暑氣得露而消也 又近醫以初瘧忌用人參白朮茯苓此說本之嵩崖尊生余雖不滿亦當從眾今既照嵩崖已去人參加青皮一錢五分 寒多加乾薑桂枝各二錢 熱多加知母花粉各二錢或加黃連石膏 本方去人參加常山草果知母檳榔川貝母各二錢名清中驅瘧飲大意以無痰不成瘧此方爲治瘧之總方也然亦多效

驚甲飲

驚甲

三錢醋炙

白朮

炒

黃耆

川芎

酒白芍

檳榔

草果

煨

厚樸

陳皮

甘草

各一錢

生薑

三片

麝肉

三枚